



**Future-proofing
our children**

Tlhomamiso 1

Setlhogo

Maitlamo a rona

Mokaedi wa batsadi

Sekolo sa Tshipi ithutelo lapeng



Go Motsadi

O amogelesegile mo **Maitlamo a rona** thuto ya Tlhomamiso 1.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e::

Kgato	Tiriso
1	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang mo batlhomamisiweng) Ela tlhoko: 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kekelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45 .</i> 2.3: Thuto e lebaganye (Batlhomamisiwa 1). 2.4: O ka kopa thuso mo morutabana wa gago wa batlhomamisiwa fa o tlhoka thuso.
3	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswelela ka go abalana maele a go ipaakanya le go ruta thuto e:

Kgato	Tiriso
4	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo tafoleng.
5	Bala thuto. E bale gape gore o e tlaloganye. Lebelela setshwantsho sa motshikinyego go re o tlaloganye botoka.
6	Kwala dintlha tse o batlang go di gakologelwa.
7	Tlaloganya maikaelelo a thuto a e leng gore ngwana wa gago o tshwanetse go a gakologelwa.
8	Ruta ngwana wa gago thuto.
9	Supegetsa ngwana wa gago setshwantso sa motshikinyego mme o soboke molaetsa.
10	Laela ngwana go dira tekeletso e mo lokwalong la gagwe la ikatiso (Le nna ke batla go.....)
11	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng.



Thuto

Setlhogo	Maitlamo a rona
Temana Catechism & Q&A	Ga gona temana ya thuto e Kgaolo 2, Q&A 29-50
Maikaelelo a thuto	Batlhomamisiwa ba ithute ka maitlamo a kereke tsa ntlha, botlhokwa jwa maitlamo ao mo maitlamoang a New Apostolic le diteng tsa maitlamo a New Apostolic.

Tshoboko ya thuto:

Maitlamo ke molaetsa o o pataganetsweng ke batho ba tumelo. Ke tshoboko ya tse go dumelwang mo go sone. Lekalana la kereke le itlhalosa ka maitlamo a lone.

1. Tshimologo ya maitlamo a kereke tsa ntlha:

- Tumelo ya Sekeresete e ne ya gasama mo pusong ya Baroma mme botlhe ba ba neng ba tsena mo go yone ba ne ba tswa ko ditumelong tse dingwe.
- Tumelo ya Sekeresete le ditumelo tse dingwe tse di ne tsa nna le kgotlhang.
- Maitlamo a ne a dirwa go netefatsa tsamaiso mo tumelong y aga Keresete le ba Apostolo.
- Maitlamo a le mmalwanyana a ne a dirwa: Maitlamo a ba Apostles (Apostolicum), maitlamo a Nicaea-Constantinople, le maitlamo a Athanasian.

A re lebeleleng a ntlha a mabedi le a New Apostolic. Maitlamo a New Apostolic a tsamaalana thata le a kereke tsa ntlha.

Maitlamo a ba Apostles (Apostolicum)	Maitlamo a Nicaea-Constantinople	Maitlamo a New Apostolic Church
"Ke dumela mo Modimong, Rara le Mothatlotlhe, mmopi wa legodimo le lefatshe. Ke dumela mo go Jeso Keresete, Morwa wa gagwe yo esi, Morena wa rona. O imilwe ka nonofo ya Mowa o Boitshepho mme a tsolwa ke Marea wa kgarejwana. O bogisitswe ke Pontius Pilate, a bapolwa, a swa, mme a fitlhwa. A fologela ko bobipong. Ka letsatsi la boraro a tsoga gape. A tlhatlogela kwa legodimong	"Re dumela mo Modimong o le mongwefela, Rara mothatlotlhe, modiri wa legodimo le lefatshe, le wa tsotlhe tse di bonwang le tse di sa bonweng. Le mo Moreneng a le mongwe, Jeso Keresete, Morwa Modimo yo o tsetsweng a le esi, a tlisitswe ke Rara pele ga lefatshe lotlhe, Lesedi la masedi, Modimo wa badimo, A tlisitswe, a sa dirwa, a le selo sele sengwefela le Rara; Ka ene dilo tsotlhe di dirilwe; of emo go rona batho, le wa poloko ya rona, A tla a tswa legodimong, O ne a imiwa	Maitlamo a ntlha Ke dumela mo Modimong, rara, mothatlotlhe, mmopi wa legodimo le lefatshe. Maitlamo a bobedi Ke dumela mo go Jeso Keresete, Morwa Modimo yo o tsetsweng a le esi, Morena wa rona, yo o imilweng ka Mowa o o Boitshepho, a tsalwa ke Marea wa kgarejwana, a boga mot lase ga ga Pontius



mme o ntse mo seatleng se segolo sa ga Rara. O tla tla gape go tla go athola batshedi le baswiKe dumela mo Moweng o o Boitshepho, kereke e e boitshepho ya kakaretso, bokopano jwa baitshephi le boitshwarelo jwa dibe, tsogo ya mmele, le botshelo jo bo sa khutleng. Amen."	ka Mowa o o Boitshepho ke le kgarejwana Marea, mme a nna motho; o ne a bapolwa boemong jwa rona ke Pontius Pilate, a boga, a hitlhwa, ka letsatsi la boraro a tsoga gape, go ya ka dikwalo, a tlhatlogela kwa legodimong, mme o ntse kafa letsogong le legolo la ga Rara; gone kwa a tla tlang gape a tswa teng, Ka kgalalelo, go athola batshedi le baswi; bogosi jwa gagwe bo tla bo bo sena bokhutlo. Le mo Moweng o Boitshepho, Morena moabi wa botshelo, yo o tswang mo go Rara go nna Morwa, O ene le Rara ba galalediwang, yo o boletsweng ke baporofiti. Mo kerekeng e nngwefela e itshephileng apostolic church; Re lemoga kolobetso e nngwefela go tlhapisa dibe; Re lebeletse tsogo ya baswi, le botshelo jwa lefatshe le le tlang. Amen."	Pilate, a bapolwa a swa, mme a fitlhwa, a fologela mo bobipong jwa baswi, a tsoga mo baswing ka letsatsi la boraro, a thatlogela kwa legodimong. O ntse mo letsogong le legolo la Modimo, Rara, Mothatlotlhe, kwa a tla tlang go tswa teng. Maitlamo a boraro Ke dumela mo Moweng o Boitshepho, One o boitshephi, wa lefatshe lotlhe, le apostolic church, bokopano jwa baitshephi, le boitshwarelo jwa dibe, tsogo ya baswi, le botshelo jo bo sa khutleng.
--	--	--

2. Botlhokwa jwa maitlamo a kereke tsa ntlha mo go a New Apostolic :

- Thuto ya New Apostolic Church e ikaegile ka dikwalo tse di boitshepho mme e ne e le tiro ya ba Apostolo go ranola dikwalo go dira maitlamo, e leng one a re kopanyang mo tumelong. Ba Apostolo ke bone fela ba ka fetolang maitlamo.
- Maitlamo a dikereke tsa ntlha a soboka se se mo dikwalong tse di boitshepho.
- Maitlamo a ntlha a mararo a New Apostolic a bua ka go dumela mo Modimong o o boraro, le mo go Jeso Keresete jaaka motho tota le Modimo tota, mo tsalong yaga Jeso ke Marea wa kgarejwana, mo setlhabelong sa leso la gagwe, mo go tlang ga gagwe gape, go romelwa ga Mowa o o Boitshepho, mo kerekeng, disakaramente le botshelo jo bo sa khutleng jaaka maitlamo a kereke tsa pele a bua.

3. Diteng tsa maitlamo a New Apostolic

Maitlamo a ntlha a mararo a tsamaalana le Apostolicum (bona ko godimo). E tiisa boipolelo jwa dikereke tsa ntlha.

- Maitlamo a bone**



Ke dumela gore Morena Jeso o busa kereke ya gagwe e bile o romile ba Apostolo, go fitlhela a bowa gape o ntse o a ba roma go rera lefoko, Go itshwarela dibe ka leina la gagwe le go kolobetsa ka metsi le ka Mowa o boitshepho.

- **Maitlamo a botlhano**

Ke dumela gore botlhe ba ba tlhomiwang boruti ba tlhomiwa ke ba Apostolo, le gore taolo, tshegofatso, le gore go tlodiwa ga boruti jwa bone go tswa mo ba Apostolong

Maitlamo a bone le a botlhano a supa kgolo ya kereke ya ntlha le boruti jwa teng.

- **Maitlamo a borataro**

Ke dumela gore kolobetso ya metsi ke kgato ya ntlha ya tsalo sesha ya motho kafa moweng, le gore motho yo o kolobetswang o balelwa mo bathong ba badumelang mo go Jeso e bile ba mmuwa ele Morena wa matshelo a bone.

- **Maitlamo a bosupa**

Ke dumela gore selalelo se simolotswe ke Morena ka sebele ele segopotso sa setlhabelo se se ntshitsweng gangwe fela, pogisego le leso la ga Jeso. Go amogela selalelo ka boitekanelo go dira botsalano le Jeso Keresete, Morena wa rona. Se ketekiwa ka borotheo jo bo sa bidisiwang le mofine; di tshwanetse go segofadiwa se bo se abiwa ke moruti yo o tlhomilweng ke ba Apostolo.

- **Maitlamo a boroba bobedi**

Ke dumela gore ba ba kolobeditsweng ka metsi ba amogele mpho ya Mowa o Boitshepho ka ba Apostolo go re ba nne bana ba Modimo le sebaka sa go nna batsalwa pele.

Maitlamo a borataro, bosupa le boroba bobedi di bua ka disakaramente tsa kereke.

- **Maitlamo a boroba bongwe**

Ke dumela gore Morena Jeso o tla bowa fela jaaka a ile a thatlogela ko legodimong le gore o tla itseela batsalwapele ba baswi le batshedi ba ba neng ba ipaakanyetsa go tla ga gagwe; le gore morago ga moletlo ko legodimong o tla tla lefatshing go tla go busa le batho ba gagwe, mme ba tla busa nae ele baperisiti ba bogosi. Fa bogosi jwa kagiso bo sena go tlhomiwa, O tla tshwara katlholo ya bofelo. Mme Modimo o tla dira legodimo le lefatshe le lesa a bo a aga le batho ba gagwe.

Maitlamo a boroba bongwe a bua ka go tla gape ga Morena Jeso le go baakanyetswa ga gagwe.

- **Maitlamo a lesome**

Ke dumela gore ke tshwanetse go obamela melao ya lefatshe fela fa e sa gatake melao ya Modimo.

Maitlamo a lesome a tlhalosa botsalano jo batho ba tshwanetseng go nna najo le Sechaba le puso.

- Re le bakeresete ba Apostolic re tshwanetse go bolela maitlamo a rona e bile a laole maitsholo a rona.



- Maitlamo a thusa batho go tloganya dintlha tse di botlhokwa tsa tumelo ya New Apostolic.

Thuto e e re ruta eng?

- E re ruta gore maitlamo a simologile jang mo kerekeng tsa ntlha.
- E tlogosa gore maitlamo a rona a tlile jang.
- E tlogosa maitlamo a a mo maitlamong a New Apostolic.
- Re batla go nna re bolela maitlamo a New Apostolic Church.

Ithute maitlamo a rona ka pelo o tshela ka one. Go botlhokwa go tloganya maitlamo otlhe le go bolelela ba bangwe gore o dumela mo go eng.

Dipotso tse re ka di botsang:

1. Maitlamo a New Apostolic a dirilwe ke mang?

Karabo: Maitlamo a beilwe mo dikwalong tse di Boitshepho. Ba Apostolo ke bone ba rarabololang dikwalo ba bo ba ka fetola maitlamo.

2. Re na le maitlamo a le kahe?

Karabo: A lesome

3. Ke maitlamo a fe a a buang ka disakramente tsa kereke?

Karabo: maitlamo a 6, 7 le 8

Thapelo ya ga mme le rre go e rapela pele ga thuto:

Modimo o rategang, ke lebogela letsasti le

Segofatsa batsadi le bana botlhe

Mma re ikutlwele boleng teng jwa gago

Segofatsa thuto e re yang go e amogela

Re kopa o re rute go go direla

Re thuse go dira thato ya gago

Gore re golele gaufi le wena

Romela Jeso go tla go re tsaya

Mme re bo re ipakanyeditse go mo kgatlhantsha

Amen